

colorchecker CLASSIC



x-rite

mm


0 cm 1 2 3 4 5 6 7 8 9 10 11 12 13 14 15 16 17 18 19 20

M. M. A. S. M.

LA VÉRITABLE RELATION DE LA DÉFAITE DE L'ARMÉE DU MARSHALL  
LE 10 SEPTEMBRE 1852























m. 14,051.

Cal. Moreau,

no 3948.







LA VERITABLE  
RELATION

DE LA DEFFAITE DE  
l'Armée du Marquis de S. Luc,  
par les Troupes de Messieurs  
les Princes.

ENVOYEE PAR MONSIEUR LE  
*Prince de Conty à son Altesse Royale.*



A PARIS,  
De l'Imprimerie de la Veufue I. GUILLEMOT, rue  
des Marmouzets, proche l'Eglise de la  
Magdeleine.

---

M. DC. LII.  
*Avec Permission.*



221

LA VÉRITABLE  
RELATION  
DE LA DÉFAITE DE  
L'Armée du Marquis de S. Luc,  
par les Troupes de Messieurs  
les Princes.

ENVOYÉE PAR MONSIEUR LE  
Prince de Conti à son Excellence Royale



A PARIS,  
De l'imprimerie de la Veuve I. GUILLEMET, rue  
des Marmouzes, proche l'Eglise de la  
Magdelaine.

M. DC. LIII.  
chez P. Cuvillier.







que toute l'armée des ennemis sortie de Sempferre s'estoit mise en bataille, & tournoit droit à Stafort. Sur cela il resolut de couvrir la Ville de toute sa Cavalerie, pour observer leur dessein, resolu de la retirer s'ils venoient pour la combattre. Et en effet les voyans marcher droit à lui en bataille, il se contenta de faire escarmoucher, pendant que la Cavalerie passoit au delà du Pont, à la reserve de cent Chevaux qu'il laissa proche de la Ville, pour soutenir les mousquetaires qui gardoient les postes du Pont & du Moulin. Il disposa ensuite son Infanterie dans tous les postes de la Ville, & advança soixante mousquetaires devers quelques Jardins qui sont entre la Ville & les ennemis. Monsieur de S. Luc voyant les choses si bien disposées, se retira sans estre trop approché, & retourna camper à Sempferre.

Le Lundy 19. les Ennemis ayant quitté ce poste allerent loger à Gimbrede, à dessein d'y passer Lauroux, & son Altesse afin de les asséurer & les obliger à demeurer dans ce quartier, envoya sa Cavalerie à la Plume & à la Montjoye, gardant près de luy le Colonel Marche & son Regiment pour l'envoyer à la guerre; Ce mesme soir le sieur de Guyonnet estant arrivé sur les vnze heures, rapporta que M. le Prince enverroit non seulement les quatre cens chevaux qu'on luy demandoit, mais qu'il viendroit luy-mesme, & qu'asseurement il arrieroit le Mercredi, en effect, il donna à l'heure mesme ordre à deux cens Chevaux des Gendarmes, & à deux cens Chevaux du corps des gardes de marcher nuit & jour sans bagage, & de se rendre à Agen, où ils scautoient de M. le P. de Conty, ce qu'ils auroient à faire.

Le Mardi 20. les partis rapporterent à M. le P. de Conty, que les Ennemis après avoir passé Lauroux à Gimbrede, estoient allez camper à Miradoux, à dessein de passer Laras au Pont de S. Antoine, & delà de se rendre à Auilar, pour y passer encor la Garonne; Quelques autres avis fort bons porttoient qu'ils menaçoient Dunes de siege, & qu'ils pourroient bien sejourner à Auradour vn jour ou deux.

Le Mercredi 21. M. le Prince de Conty apprit que les Gens d'armes & les Gardes estoient artinez à Agen, & que Monsieur son frere y devoit estre sur les dix heures, il partit avec vne escorte pour les aller rencontrer. Mais M. le Prince ayant pris par vn autre chemin, s'estoit rendu à Stafort presque au mesme temps que M. le Prince de Conty en sortoit, ce qui l'ayant obligé d'y retourner, il sceut que M. le Prince qui s'estoit trouué à Libourne pour y voir Madame la Princesse & Madame de Longueville, en estant party le Lundy, s'estoit rendu le Mardi au soir à Aiguillon, ayant veu en passant marcher dix Compagnies du Regiment de Galapian, qui estoient en garnison à Marmande, & que M. le Prince de Conty en avoit tirées, avec les dix Compagnies de Theobon, qui estoient en garnison à Villeneuve pour fortifier son infanterie; Que le Mercredi il estoit party d'Aiguillon, & passant aux portes d'Agen sans y entrer, il avoit donné ordre



dre à la gendarmerie de passer la Garonne à Boué, & de marcher à Leyrac où elle arriuoit.

Leurs Alteſſes tinrent à l'heure meſme Conſeil de guerre, & ſur le champ il fut reſolu que la Gendarmerie & les Gardes, avec le Regiment de Marches, iroient inceſſamment à Gimbrede pour ſe ſaiſir du pont, & pour empêcher que les Ennemis ne marchaient, & que le reſte des troupes ſ'asſembleroit à Stafort pour ſe rendre auſſi à Gimbrede, M. le Prince marcha auſſi-toſt à Leyrac, afin d'aller couper luy-meſme ce paſſage de Lauroux, & M. le Prince de Conty enuoya dans tous les quartiers, pour faire venir les Troupes.

Le leudy 22. M. le Prince eſtant arriué à my nuit au Pont de Gimbrede, détacha quinze de ſes Gardes, commandez par le ſieur de Lonchamp Exempt, à deſſein d'occuper le Pont, il y trouua vne petite garde des Ennemis qu'il pouſſa, & fit vn prifonnier. M. le Prince ſeut par luy qu'ils n'auoient point eu l'alarme, qu'ils eſtoient ſeparez dans diuers quartiers, & qu'il y en auoit vn proche du pont qui eſtoit le plus fort, & qu'il ſeroit aisé de l'enleuer. Cela obligea S. A. à paſſer le Pont, à marcher ſans attendre à ce quartier; il y trouua les Ennemis en bataille, ſur l'alarme que leur garde pouſſée leur auoit donnée, s'y eſtoient rengez, s'eſtans mis en trois gros eſcadrans, avec vn plus petit qu'ils auoient auancé, compoſez des Regimens de Veillac, de S. Maigrin, Thierry, de la Villetiere, & de la Compagnie d'Ordonnance du ſieur de S. Luc; M. le Prince donna ordre au ſieur de Marche, de pouſſer cét eſcadron auancé: ce qu'ayant fait avec beaucoup de vigueur, & voyant les trois eſcadrans qui luy tomboiēt ſur les bras, il ſe rallia à l'heure meſme, & les chargea avec tant de bonheur (eſtant ſouſtenu des Gardes) qu'il les rompit, il y fut bleſſé de deux coups de piſtolets, l'vn au bras, & l'autre à l'eſpaule, tous deux favorables. Ciron Capitaine de ſon Regiment y fut tué, combattant vaillamment. Cependant M. le Prince avec les Gend'armes & les Gardes, donna la chaffe aux Ennemis le long du bas du coſteau, iuſques à la muraille de Miradous; d'où voyant ſortir l'infanterie, il ſe rerira, laiſſant vne garde auancée proche de quelques maiſons qui ſe rencontrent ſur la my-nuit. Les Troupes eſtans arriuées à Stafort, M. le Prince de Conty ſe rendit à Gimbrede à trois heures du matin, & apres en auoir paſſé le Pont, joignit ſes troupes à celles de Monsieur ſon frere: On les mit toutes en bataille, & vn peu apres la pointe du iour, on vit les Ennemis qui s'y mettoient auſſi de leur coſté. Tout le matin fut employé par M. le Prince à remarquer où il pourroit attaquer les ennemis, dont le poſte eſtoit fort auantageux, Miradous eſtant ſoitué ſur vne montagne roide, & preſque inaccessible de rous les coſtez, ſinon de celuy qui meine à Flammarin, où la hauteur continuant, rend l'accez eſgal, dont pourtant l'abord eſt défendu par vne vigne enuironnée de follez & de hayes, & n'ayant qu'vn



chemin fort fangeux par où il falloit défilier pour aller à l'attaque, elle fut pourtant resoluë par cet endroit là, & vne diuersion par vn autre, qui estt à main gauche de la vigne en venant de la Ville; Pour cet effect ayant fait marcher toutes les troupes en tournant au tour de Miradou, il se mit en bataille vis à vis de ces deux Postes, & commença son attaque par celuy de main gauche, faisant occuper par des pelotons d'infanterie quelques Cassines; & quelques rideaux où les Ennemis auoient logé des Mousquetaires, de l'autre costé il fit auancer le sieur de Bourgongne Marechal de Camp avec quinze Cavaliers du Regiment de Theobon, soustenu par tout le Regiment, afin de connoistre mieux le Poste, d'occuper la hauteur qui est vis à vis de la vigne, & de pousser vne grande garde de Cavalerie que les Ennemis y auoient. Le sieur de Bourgongne mena ces quinze Maistres, & fit en suite charger le Regiment avec tant de vigueur, qu'encore que la garde des ennemis fust soustenuë & fauorisée des Mousquetaires qu'ils auoient logez dans la vigne, & faisoient vn grand feu, il la chassa & la fit rentrer dans le quartier: M. le Prince y fit aussi-tost monter de l'infanterie pour escarmoucher & pour soustenir le poste.

Cependant com me il attendoit les compagnies de Galapian & de Theobon, qui deuoient arriuer au Camp ce soir là, & qui n'arriuerent qu'apres le combat, & le Canon qu'il auoit entuoyé querir à Agen, il resolut de ne rien tenter dauantage pour ce soir, & de disposer en sorte les choses, que le matin suiuant il peust emporter les ennemis au point du iour. Ce soir arriuerent au Camp les sieurs de Valencay Lieutenant General, de Castelmoron & de Theobon pere & fils. Sur les huit heures du soir, Monsieur le Prince qui auoit auancé des Corps de garde proche des ennemis, & détaché plusieurs partis, voyant que les feux que les ennemis auoient allumez estoient trop reglez, & qu'il ne paroissoit personne aupres, creut qu'ils s'en alloient; & sur l'heure mesme ayant détaché vn parti de ses gardes, & de ses gendarmes, & commandé au sieur de Choupes Lieutenant General, de donner l'alarme pour les reconnoistre, il sceut qu'en effet les Ennemis se retiroient, ce qui l'ayant obligé de faire monter à cheual, il s'auança avec le Regiment de Montespain, qui auoit la teste de tour, soustenu des Regimens de Marche & de Theobon, là s'estant mis deuant avec Monsieur le Prince de Conty, Monsieur de Montespain, les sieurs de Galapian & de Pibrac Mereschaux de Camp, le Comte de Laugnac, Cheualier de Foix, Guiraud, Despagnet, de Raymond & Guyonnet, Conseillers au Parlement, de Lisle, Vigier, Vialar, du Mesny, Dangeruille, de la Buffiere, de Lescuyer, & du Capitaine des Gardes, de Monsieur de Montespain, & de quelques autres, il marcha pour rejoindre les ennemis, & ayant passé le long de la muraille de la Ville où l'on fit vn feu continuel, il trouua au delà le Regiment de Lorraine qui estoit en bataille dans vne vigne à main droite du chemin, il chargea aussi-tost ce Regiment avec Monsieur le Prince de



Conty, & apres en auoir effuyé toute la descharge entrant dedans l'espée à la main, suiuy de Monsieur de Montepan & de ceux qui les accompagnoient à la teste du Regiment de Montepan, ils le taillèrent en pieces, de là s'auançant vers la Ville, & Monsieur le Prince criant à ceux qui le suiuoient de pousser, & d'entrer pesse mesle dans la Ville, ils trouuerent dans le fossé vn escadron de Caualerie, & le Regiment de Champagne, qu'ils chargerent encore. Monsieur le Prince, Monsieur le Prince de Conty, Monsieur de Montepan & les autres, avec le Regiment de Montepan, que le sieur de Galapian mena au combat s'estant jettez au milieu de cet escadron & de ce Regiment, les deffirent entierement, à la reserue de quelques partis des Officiers & soldats du Regiment de Champagne qui se sauuerent dans la Ville, proche des portes de laquelle le sieur de Laugnac eut son Cheual tué, & receut dans les habits trois mousquetades fauorables; De là Messieurs les Princes suiuan la Victoire, apres auoir destaché à droict & à gauche de la Caualerie, qui deffit quelques gens qui se vouloient rallier sur les costez, pousserent les ennemis jusques à vn Pont qui est sur Lauroux vers le chemin de Lectoure, où les Princes trouuerent les Regimens de S. Luc, de la Boissiere, & le reste de l'Infanterie ennemie avec le Mestre de Camp du Regiment de Caualerie de S. Luc, qui ayant barricadé le Pont de deux Charrettes, tesmoignerent le vouloir disputer; mais apres quelques descharges, ils furent entierement rompus par les Princes, qui chasserent le reste des suyards jusques aux portes de Lectoure, où l'on ne pense pas qu'il en soit arriué, ayant esté tous presque tuez ou faictz prisonniers.

Pendant que leurs Alteſſes acheuoient de vaincre, elles enuoyerent le sieur de Chouppes Lieutenant general pour assieger Miradous, où le sieur de Marin Marechal de Camp, ce qui reste des Officiers & des soldats du Regiment de Champagne & de Lorraine sont enfermez; l'on ne pense pas qu'ils tiennent, apres que le canon qui doit venir ce soir d'Agen sera arriué. L'on ne scauroit assez exagerer la valeur de Messieurs les Princes, qui ont tousiours chargé à la teste; & si l'on le peut dire, deffait presque seuls les Ennemis. Monsieur de Montepan ne les a point abandonnez, Monsieur le Duc de la Rochefoucault, Messieurs les Princes de Marcellac, de Valencay, le Comte de la Serre, qui sur les ordres de son Alteſſe Royale, s'est rendu auprès de Monsieur le Prince pour seruir auprès de luy; de Castelmoron, le Cheualier de Foix, de Laugnac, de Bezols, & les autres volontaires ont dignement seruy, aussi bien que les domestiques de Messieurs les Princes; & le sieur Nergassier Lieutenant Criminel d'Agen, qui s'y est tout à fait signalé, & les Regimens de Montepan commandé par le sieur de Beauuille, de Theobon & de Marche ont fait toute l'execution. Les Officiers ont combattu genereusement, le sieur de Marche en particulier y a fort bien fait de sa personne; Il ne faut pas non plus



dérober à l'Infanterie ce qu'elle merite; les Regimens de Montmorency & de Galapian ont entrepris & combattu comme les plus fameuses Troupes de l'Europe; sur tout le sieur Dauissac Mestre de Camp de Montmorency, de Massouille Lieutenant Colonel de Gondrin & de la Cassagne Capitaine dans Galapian, meritent fort qu'on les louë. Les ennemis ont perdu tout leur bagage, & les deux seuls drapeaux qu'ils auoient, nous ne scauons pas encore les noms des prisonniers qui sont en tres-grand nombre; ne s'en estant presque point sauue; Nous y auons perdu de nostre costé, outre le sieur Ciron, Sedaille & la Bussiere, qui ont esté tuez.

Il seroit inutile de faire remarquer icy l'importance de cette deffaitte, qui assure toute la haute Guyenne au seruice du Roy, oste vne Armée de quatre mil hommes au Cardinal Mazarin, & sur tout le Regiment de Champagne & de Lorraine, vnit le Languedoc à ce pays, & achemine à la Paix generale, qui est le seul but que se proposent les Armes de Messieurs les Princes.



*[Faint, mostly illegible text, likely bleed-through from the reverse side of the page. Some words like 'Regiment de Champagne' and 'de Lorraine' are visible.]*



